

上清洞真解過訣

避五

清靈真人裴君八節日謝罪第一

清靈真人裴君曰太極真人常以立春日
中時會仙人於太極宮刻玉簡記仙名常以
其夕夜半時正北向仰視北極再拜頓首陳
己罪多少之數求解釋之意畢復再拜乃止
至春分之日日中之時崑崙瑤臺太素真人
會諸仙官定其經
至立夏之日日中之時上清五帝會諸仙人
於紫微宮見四真人論求道之功罪
至夏至之日日中天上三官會於司命河侯
校定萬民罪福增年減算
至立秋之日日中五嶽諸真人詣中央黃老
君於黃房雲庭山會仙官於日中定天下神
圖靈藥
至秋分之日日中之時上皇大帝乃登上清
靈闕太微之館會太上三老君北極諸真公
八海大神五嶽尊靈仙官萬萬共集議天下
萬兆之罪福記學道之懃懈一二條列付之
司命

至立冬之日日中陽臺真人會諸仙官玉女
新定得道始入仙名錄籍

至冬至之日日中天真衆仙皆詣方諸東華
太宮詣東海青童君刻定衆仙籍金書內字
常以八節夕夜半日中謝七世祖父母之罪及
自身中罪過過名自除也又行之神仙不死
夫秋分春分日太上神真觀議萬仙自非真
正者不可輕用其日謝罪也東真仙官以八
節日中會集凡三日乃解欲脩道者當
先齋戒勿失之也
支子元受蔣先生第五首之訣以八節之日
存思陳已立身以來罪過多少之數輸誠自
狀以上希天皇諸真關寫之祐剋身歸善以
求長生神仙者也
蓋秋分之節者氣處清虛太和之正日也衆
真諸仙是其日皆聽訟焉又地上刺姦吏部
境諸仙官並糾奏所在道士之功過及萬民
有罪死生者也
仙忌真記曰子欲昇天慎秋分罪無大小皆
上聞以罪求仙仙甚難是故學道爲心寒此

是朱大丹陵仲陽先生之要言矣秋分氣調
日中以順天地者也夫大炎之氣推於凋落
之勢玄水包津胎於金生之府乃太陽光轉
少陽藏養天地於是所以定剛柔之際合二
象之序煥成流明乃別陰陽三光實八節之
標日求道之要梯矣每至其日日中之時上
皇大帝君玉尊陛下乃登廣寒上清靈宅太
空之闕丹城紫臺長錦玉樓群真集于太微
之觀上聞九天之門請九天之真皇中邀太
上三老君北極諸真及八海大神下令五嶽
名山諸得仙者靈尊萬萬並會於家陽之殿
共集議定天下萬民之罪福紀錄學道求仙
者之懃懈疏識犯過日月修行善惡刑罰之
科生死之狀各隨其所屬部境根源條列付
之司命書于皇錄罪福纖芥刻于丹城之籍
伏匿之犯惡陰德之細功者無不一二縷別
而知之者也其夕夜半當出中庭北向仰視
北極脫中再拜頓首長跪上啓太上北極天
尊大帝君因密謝七世祖父母罪及自陳已
立身以來罪過多少之狀乞得赦貸從今自

去改往修來之言言必使信誓于丹心盟於天地不敢犯惡之行也其中言在意陳之久行之神仙不死畢云願太上皇帝削其罪名移書三官使神仙之錄其廟玉札長生久視通真達靈畢又叩頭四下再拜而還靜室深自剋責并存念三元中神令上啓太上如此者三名上仙籍罪咎除滅也三元泥丸絳宮丹田三神也存念三元三神上啓天尊求乞恩赦助已所陳令必上聞者也三啓秋分生籍乃定死名乃除此一法出經命青圖是長生秘法矣俗人雖好道未離人間人間甚多罪咎犯之者非一恐未便可施用秋分首過之法也入山林中遠去人事蕭然獨處不犯萬物乃可為之既有反善之辭誓有改行之言言已聞於高上之聽慎不可復使犯惡違生之事也重犯罪十過天地弗赦身死為驗非可復改補者矣以此求道無所復索也養生有如水火之交耳得其益則白日昇天犯戒法則身沒三泉也又其日尤重於七節趙伯玄所謂生死門戶者也

三九素語曰秋判之日尊卑盡會生死之日也古人以秋分日為秋判日也所以爾者秋分之日乃會九天八地東真仙神上皇至尊三日三夕共定萬民之命所聚議者咸多而神尊並集故也諸八節日會天地諸真官先後及節凡三日三夕而各還所司此是支公子元訣別此一事不雜七節之條例也候夜神童金根經曰八節之日求仙極會天命來真皆當集對未節一日萬靈詣闕節日日中尊卑入謁節後一日罪福分別三日三夕天事乃畢子其慎罪務為功德名可上真刑編太極吾不諛言知者深密急宜謝過秘而慎泄此亦支公口所告出以傳示裴君

許先生八節日謝罪第二

許先生口訣曰常以八節日夜半之後平坐北向存形念景令如見兆身畢以兩手交頭上以叩地二九過則罪咎除形景得分

許先生五通日為先人謝罪第三

常以五通日北向謝請兆三曾五祖先人之謫則兆先世罪咎解也五通日者十月朔二

月旦是也不解先人負謫欲求仙去仙遠矣

許先生五通日為先人及己身謝罪第四

以五通之日北向五再拜心呼上皇君及夫人名字三過

歲星真皇鬱鬱鬱鬱夫人飛雲飛雲飛雲

雲

榮感真皇維停維停夫人華瓶華瓶華瓶

瓶

鎮星真皇耽延耽延夫人非賢非賢非賢

賢

太白真皇德標德標夫人靈恩靈恩靈恩

恩

辰星真皇精原精原夫人龍娥龍娥龍娥

娥 右五皇夫人名字先文無

娥 由此乃罪靈夫人別口訣

畢叩齒五通畢解申長跪謹啓五星日月上皇高真道君道君夫人玉清太上上清上皇上帝大道聖君几前因陳七祖父母以下下及一身千罪萬過上世以來乞得解脫三官告下天帝使罪名離釋則除丹簡乞得與五

106 A B 27-5

星之真俱奔華晨上登上清交行玉闕

正月六日中時 二月一日曠時

三月七日夜半 四月九日食時

五月十五日夜半 六月三日中時

七月七日夜半 八月四日中時

九月二日平旦 十月一日平旦

十一月六日夜半 十二月十二日夜半

右記五達吉日

太上藏五通之日封於五嶽之玉簡隱迴元之道隱於九晨之宮既修五通當行迴元五通關於帝始迴元關於玄終故修五通行七元迴道者不食血腥物見諸屍穢犯者受太玄考五通者太上之吉會日迴元者太上之更新日也不知五通不得解罪除過不知迴元隱道不得刻名上真常以其日思存吉事首謝身中罪過所謂解免七世離脫刑名者也不以示九宮中仙矣

太一首謝除罪夜半日中謝罪第五

太一曰兆若有罪過欲首謝求除罪者夜半及日中入室閉戶端坐北向存帝君在兆紫

房中存思如上因又存兆身在紫房中伏帝君前內自陳愆辱氣良火布令一身汗出衣服沾蒸如此者三過所解罪自散也汗巾一體乃祝曰

某甲有罪上聞百神乞度七九水火之患守命太一肉濟帝君汗流一體怖在三魂息惟

太上未令除患畢因三呼帝君名字帝君諱

陵梵字復昌靈一名七靈一名神文人常治

太極紫房中端坐平正貌如嬰兒之狀常有

紫氣覆其神形衣五色華衣巾日月之冠左

耳上有日徑九寸右耳上有月徑一尺存畢

乃開目名曰帝君解過之道內謝五神流汗

為應矣世人謝過乃叩頭搏頰此外法也若

修三一守洞房事帝君奉太一者慎不可以

叩頭搏頰也人叩頭者驚三魂擾泥九魄紫

房煩帝君也夫人搏頰者堅胞結束魄筋太

一悲五神遷乃大忌也若所行所念但心存

叩頭搏頰亦內解於心中矣仙人存心拜而

已形不屈也吾謂為宜

劉先生辰巳五德日為先人舉家謝

過第六

劉先生記曰人多罪過天網疎而不漏陰奪人算故不壽雖有生道在於身中而不謝過則多疾病憂患也此文出太微文昌河圖內篇第二十三其人家穢軻衰耗或所為不成或子孫不昌或為吏不遷或六畜死亡或飛禍橫集皆由多過之故也能洗垢清心不淫不嫉不行非理慈仁側隱憂人之憂樂人之樂見人所失如己之失見人有得如己有得不為謙賊不行兩舌布施救患日益壽命常得所願乃以辰巳之日黃昏時掃除天德之地謂甲庚丙辛壬地是也燒香舉家北向解中叩頭數十下口勿言但心中言願解舉家身中所犯罪過如此則可得平安長生其作過不止雖數謝亦無所益矣既不有過能常修此謝過之道則永無憂患

甲辰 丙辰 戊辰 庚辰 壬辰

己巳 辛巳 癸巳 乙巳 丁巳

右五德日

太上迴元隱道用除罪藉迴元五通

之日謝過第七

太上廻元隱道用除罪籍內篇曰太上玉真
 隱元內觀用六丁之日是時天元敷陳胞結
 重固七魄上言三魂記過連愆七祖積罰三
 陰故有消除之法以解脫愆罹施此道者乃
 為求仙之大者矣諸思七元存九晨之道所
 寢牀席不與他人同止衣服亦然男女同席
 而息乃列罪北玄之籍若犯爭行穢者速殃
 注於地獄也師及同氣相雜而止亦為犯也
 五通者太上之吉會日廻元者太上之更新
 日也不知五通不得解罪除過不知廻元隱
 道不得刻名上真常以其日思存吉事首謝
 身中罪過所謂解脫七世離脫刑名者也不
 以示九宮中仙矣
 太上藏五通之日封于五嶽之玉笥隱廻元
 之道隱於九晨之宮既修五通當行廻元五
 通關於帝始廻元關於玄終故修五通行七
 元廻道者不食血腥勿見諸屍穢犯者受太
 玄考
 諸修洞房紫房中事及存九晨七元者眠初

起初時臨食食畢先微祝曰

五皇五通六合紫房廻元隱道豁落七真生
 魄者玄父父變一成神生魄者玄母母化二
 生身攝吾筋骨者公子為吾精氣者白元長
 生久視飛仙十天畢勿令耳聞祝音此太上
 隱祝以除邪氣致精神使人終身不厭昧
 六甲之旬六丁之日月晦之夕六甲
 之日為七世父母解考八條第八

常以甲子之旬丁卯之日夜半之時於寢牀

平坐北向接手叩齒七過乃仰存七星使煥
 明於北方良久微祝曰

第一太星玄樞陽明天樞魂神上玄九君作

七呼之畢乃又祝曰
 願得除某七世以來下達某身陽罪陽過皆
 令消除所向如願萬事合心飛步七元與天

相傾名判斗晨延紀億千畢乃存北斗七星
 從天上而來飛入我口運在中心存心先令

內外洞徹極思念之畢心存北向再拜拜畢
 燕液二九過亦可起拜此謂解晨結羅內映

上道

甲戌之旬丁丑之日夜半之時於寢牀平坐
 北向接手先叩齒七過畢乃仰存七星使煥
 明於北方良久微祝曰

第二元星北台陰精天璇魂神上王九君作
 七呼之畢乃又祝曰

願得除某七世以來下達某身陰罪陰過皆
 令消除六氣盈滿四神同靈飛行七元名判

玉書上登紫清乘玄駕無出入利貞與天同
 符畢乃存北斗七星從天中而來飛入我口

運在脾中使洞鑿內外五臟分明存星來入
 口當令目覺光芒四散滿口中中小熱即星

精來入之驗也畢心存北向再拜拜畢燕液
 二九過亦可起拜

甲申之旬丁亥之日夜半之時於寢牀平坐
 北向接手先叩齒七過畢乃仰存七星使煥明

於北向良久微祝曰
 第三真星九極上真上元夫人天機魄精上

素九君作七呼之畢乃祝曰
 願得除某七世以來下達某身死罪死過積

惡私匿違犯天地水三官者皆令消除目明

微視鑿洞幽無飛行七元名書上清役使萬神上登玉庭駕景乘空與天相傾畢乃存北斗七星從天而來下飛入我口選在肝中使光照五臟內外洞明畢心存北向再拜拜畢熱液二九過亦可起拜

甲午之旬丁酉之日夜半之時於寢牀平坐北向接手叩齒七過畢乃仰存七星使煥明於北方良久微祝曰

第四紐星旋根玄冥天推魄精上虛九君作七呼之畢乃又祝曰

願得除其七世以來下逮其身無恩無德不仁不孝陰惡之罪數千萬計皆令消滅服食納精日以進益飛登七元錄刊太玄上列玉皇乘欽九天役神御靈日月同新畢乃存北斗七星從天而來下飛入我口選在脾中使光明洞徹映著五臟畢心存北向再拜拜畢熱液二九過亦可起拜
甲辰之旬丁未之日夜半之時於寢牀平坐北向接手叩齒七過畢乃仰存七星使煥明於北方良久微祝曰

第五綱星天平丹元玉衡魄靈上君上元九君作七呼之畢乃又祝曰

願得除其七世以來下逮其身內外穢罪表裏沈過數千億萬紀在幽關者皆令消除當今體充氣盈黃庭鎮胃中上刻下太素垂景

標名紫宮右侍玉女左侍玉童日月同暉位為真玉畢乃存北斗七星從天上而來下飛入我口選在胃中使光明洞照五臟分別畢

心存北向再拜拜畢熱液二九過亦可起拜甲寅之旬丁巳之日夜半之時於寢牀平坐

北向接手先叩齒七過乃仰存七星使煥明於北方良久微祝曰

第六紀星命機北極閻陽魄靈上丹虛皇九君作七呼之畢乃又祝曰

願得除其七世以來下逮其身所犯所行賊惡罪過姦逆亂妄刑紀帝宮者皆令消滅百疴康愈體氣利貞名書仙臺刻金上清役使萬神飛行九明畢存北斗七星從天上而來下飛入我口選在腎中使光明洞徹五臟分別畢心存北向再拜拜畢熱液二九過亦可

起拜陽日存在左腎陰日存在右腎一日為陽二日為陰此道尤禁見血穢臭慢雜食葷辛則上注延於七祖以下注禍其身死為下鬼名除帝門

月晦之夕明日月朔也未雞鳴之前當於寢室牀上東向接手平坐叩齒七過乃仰存北斗七星使煥明於我之左面也良久微祝曰第七關星玄陽天關搖光大明太上玉皇道君七呼之畢乃祝曰

願得除其七世以來下逮其身暗昧私匿犯罪五刑身中之神數千萬億紀在壯帝鬼官者皆令消滅當令其神精入達坐在立亡耳聰絕音目生紫光刊玉太素洞鑿鬼形名書帝君命均二明飛行七元寢宴紫庭畢存北斗七星從天而來下選入我目瞳中通映兩眼使內外自照存見五臟使分明陽日存星入左目瞳陰日存星入右目瞳畢心存北向再拜拜畢熱液二九過亦可起拜
六甲日夜半生氣之時於寢室牀卧坐首向隨意也握固而閉氣定神良久叩齒九過畢

存北斗九星使煥明於頂上也九星光芒以相映及於是乃微祝曰

第八帝星高上玉皇神八景元君第九尊星太微玉帝君太素七晨元君九過呼之畢乃祝曰

願得除其九世祖父母以來下逮其身諸丘山水源大小罪過名上死籍者陰匿賊惡伏姦藏欺事有億萬列在鬼帝鄴山上者死罪條例之愆紀于北上九元太極真人黑簿者乞九元太上帝尊玉玄君皆令事事消除飛行七道上登玉清同遊太無乘景晨生止晏八素與日相傾總朝皇妃攝御萬靈畢又存北斗七星從天而來下運入我泥丸紫房中使洞照泥丸及光明接徹一身五臟使內外通生紫光雲氣極令鬱鬱髮鬚念之畢心存再拜畢嚥液三九過

若六甲日與月晦及六丁日存思相做近者自可以次調適疇量修之不必使頻仍相切近也每事故此唯令全備於真法也於是太上迴元謝罪之道畢矣

上清洞真解過訣



正一天師清微弟子 洪百堅 製作

上清明堂元真經訣

璣

白玉龜臺九靈太真元君西王母授說明堂

玄真經曰

大上玄玄二氣洞明玄真內映明堂外清吞

息三睇長生神精上補司命監御萬靈六華

充溢徹見黃寧

此四字即玄真之本經也其後皆玉母經真受法流行

中經唯以龍為主耳凡四十字太上刻於鳳

臺南軒也非總真弟子而不教非司命之提

而不傳矣玄真經名應得司命司命者先

當對救世龍龍故道得受之不必皆總真弟子此當是會事樂講之言耳玄真法

王女有太玄上玄之號而字玄真故名為玄真所謂內映者矣又是真玄之上法故東即

云此真玄之道存日月在口中按此初服玉

藥而不燥也存日月在口中按此初服玉

形來入於口止芒後來注至後還明堂中方

使從口入而上昇也若不存此玉女事宜用

後單行訣者勿便存口白日存日夜半存月

亦可存無晝夜以分別於日月也亦可晝夜

凡諸日月之道例皆不誨自不及分焉昏明

兩注也此云白日存日則通呼一晝夜半存

月則通呼一夜非謂正午時一晝夜半存

存日月初出之時通呼晝夜半存之

存日月並平坐時亦向其所日色赤月

色黃日有紫光九芒月有白光十芒使日月